


Ni Presidente Thomas S. Monson



Ti Sagut ti Panagbabawi

“**P**agrebngantayo ti dumur-as manipud iti kabaelan agingga iti paglaingan, manipud iti pannakapaay agingga iti panagballigi,” insuro ni Presidente Thomas S. Monson. “Pagrebngantayo ti agbalin a kasayaa-tan iti bagitayo. Maysa kadagiti kaindaklanan a sagut ti Dios kadatayo ti rag-o ti panangpadas manen a manggun-od iti maysa a banag, gapu ta saan a pinal ti pannakapaay.”¹

Masansan a maidanggaytayo iti pangrugian ti baro a tawen nga addaan kadagiti resolusion ken panggep a tun-oyen. Ikeddengtayo ti sumayaat, agbalbaliw, ken mangpadas manen. Nalabit a ti kapatgan a wagas a pakapadasantayo manen ket ti panangawat ken panangusar iti inawagan ni Presidente Monson iti “ti sagut ti panagbabawi.”²

Kadagiti sumaganad nga adaw manipud kadagiti pannursurona manipud pay idi nagbalin a Presidente ti Simbaan, binalakadannatayo ni Presidente Monson nga “aramaten ti manangsubbot a dara ni Cristo tapno maguntayo ti pannakapakawan dagiti basbasoltayo, ket maugas-an dagiti puspusotayo.”³

Ti Milagro ti Pannakapakawan

“Nakaaramidtayo amin kadagiti saan nga umno a pili. No ditayo pay naatur dagiti kasta a pili, ipanamnamak kadakayo nga adda maysa a wagas iti panangaramid iti daytoy. Maawagan iti panagbabawi ti proseso. Ipakaasik kadakayo nga aturenayo dagiti biddutyo. Natay ti Mangisalakantayo tapno ipaayannatayo iti dayta a naparaburan a sagut. Nupay saan a nalaka ti dalan, pudno ti kari: ‘Uray no dagiti basbasoltayo kasda la koma iti escarlata, mapapudawdanto a kasla iti nieve’ [Isaias 1:18]. ‘Ket siak, ti Apo, diakto idan malagip’ [DkK 58:42]. Saanyo nga ipapeggad ti agnanayon a biagyo. No nagbasolkayo, nasapsapa a mairugiyo ti agsubli iti dalan, nasapsapa met a masarakanyonto ti nasam-it a kappia ken rag-o a buyogan ti milagro ti pannakapakawan.”⁴

Panagsubli iti Dana

Nupay kasapulan a nainsiriban ti panagpilitayo, adda dagiti gundaway nga agbidduttayto kadagiti minamaag a panagpilitayo. Ti sagut ti panagbabawi, nga impaay ti Mangisalakantayo ti mangpabael kadatayo a mangatur kadagiti turongentayo iti biag, tapno makasublityo iti dana a mangiturongto kadatayo iti celestial a gloria a kalkalikagumantayo.”⁵

Ti Dalan nga Agsubli

“No asino man kadakayo ti naitublak iti panagdaliasatna, ipanamnamak kadakayo nga adda dalan nga agsubli. Maawagan iti panagbabawi ti proseso. Nupay narigat ti dana, agpannuray ditoy ti agnanayon a pannakaisalakan-yo. Ania ti ad-adda pay a maikari kadagiti panangikarigan-tanyo? Ipakpakaasik kadakayo nga ikeddengyo ditoy ken itan ti mangala kadagiti addang a kasapulan iti naan-anay a panagbabawi. Ti nasapsapa a panangaramidyo iti kastoy, nasapsapa met a kabaelayonto a sagraepen ti kappia ken ti talinaay ken ti kinalalged nga insao ni Isaias [kitaen iti Isaias 1:18].”⁶

Makapagbalbaliw dagiti Tao

“Nasken a laglagipentayo a makapagbalbaliw dagiti tao. Maikkatda dagiti dakes nga ugalida. Makapagbabawida kadagiti basbasolda. Mabalina a maikarida a mangikut iti priesthood. Ken makapagserbida a sipapasnek iti Apo.”⁷

Agbalin a Nadalus Manen

“No adda ania man a biddut iti biagyo, adda maysa a wagas a pangparmekanyo iti daytoy. Isardengyo ti ania man a saan a kinalinteg. Kasaritayo ti bishopyo. Ania man ti problema, marisut daytoy babaen ti umno a panagbabawi. Makapagbalinkayo a nadalus manen.”⁸

Ti Kangrunaan nga Akem ti Mangisalakakan

“Ti kasapulan iti plano [ti pannakaisalakakan] ket ti Mangisalakantayo a ni Jesucristo. No awan koma ti pangbayad-basol a sakripisyon, mapukaw ti amin. Nupay kasta, saan nga umdas, no basta mamatitayo laeng Kenkuana ken iti misionna. Nasken nga agbannog ken agsursurotayo, agsuskisok ken agkararagtayo, agbabawi ken agsingsingpettayo. Nasken nga ammuentayo dagiti linteg ti Dios ket agtungpaltayo kadagitoy. Nasken nga umawattayo kadagiti pangisalakakan nga ordinansana. Iti laeng panangaramid iti daytoy ti pakagun-odantayo iti pudno, agnanayon a ragsak.”⁹

DAGITI NAGADAWAN

1. “The Will Within,” *Ensign*, May 1987, 68.
2. “Choices,” *Liahona*, May 2016, 86.
3. Mosiah 4:2.
4. “The Three Rs of Choice,” *Liahona*, Nob. 2010, 69.
5. “Choices,” 86.
6. “Keep the Commandments,” *Liahona*, Nob. 2015, 85.
7. “See Others as They May Become,” *Liahona*, Nob. 2012, 68.
8. “Priesthood Power,” *Liahona*, Mayo 2011, 67.
9. “The Perfect Path to Happiness,” *Liahona*, Nob. 2016, 80–81.

PANANGISURO MANIPUD ITI DAYTOY A MENSAHE

Saantayo amin a perpekto—iti babaen laeng ti sagut ti panagbabawi ti mangpabalina babaen ti sakripisyon ni Jesucristo a madalusantayo manipud iti basol ken mapasayaat ti biagtayo. Paglilinnawaganyo kadagiti sursuruanyo no kasanotayo a “a mangatur kadagiti turongentayo iti biag” babaen ti panagbabawi. Kasano a nariknada nga as-asidegda iti Nailangitan nga Ama kenni Jesucristo babaen kadagiti positibo a panagbalaliw nga inaramidda iti biagda? Mabalinyo nga awisen dagiti sursuruanyo a mangisurat kadagiti naespirituan a resolusion para iti baro a tawen ken ipadamagda dagiti panagdur-asda iti maysa a gayyem, asawa, ken sabali pay a miembro ti familia.

AGTUTUBO

Ikeddengyo ti Agbabawi

Ilawlawag ni Presidente Monson a “pagrebbengantayo ti dumur-as manipud iti kabaelan agingga iti paglaingan, manipud iti pannakapaay agingga iti panagballigi. Pagrebbengantayo ti agbalin a kasayaatan iti bagitayo.” Adu a tattao ti mangipokus iti Enero iti panangaramid kadagiti panggep a tun-oyen ken resolusion maipapan ti panagdur-as: mangan iti nasalsalun-at, wenna agsursuro iti baro a paglaingan. Nupay makatulong kadakayo para iti nasaysayaat dagitoy a panggep

a tun-oyen, ti kasayaatan a wagas iti panagbalaliw ket babaen ti panagbabawi.

Nupay narigat ti panagbabawi, sagut daytoy! No agpanuraytayo ken ni Jesucristo babaen ti panagbabawi iti basbasoltayo, kabaellantayo ti dumur-as ken agprogreso. Kinuna ni Presidente Monson, “Rumbeng iti plano [ti pannakaisalakakan] ket ti mangisalakantayo, ni Jesucristo. No awan koma ti pangbayad-basol a sakripisyon, mapukaw ti amin.” Babaen ti panagbabawi mapadaluskayo kadagiti basbasolyo ken mapaduraskayo nga agbalin nga ad-adda pay a kas Kenkuana.

Mangpanunotkayo iti maysa a banag a mangyadayo kadakayo iti panagbalin a kas iti Mangisalakakan. Ti kadi panagsasaoyo? No kasano ti panangtratoyo kadagiti gagayyem wenna familiayo? Kalpasan ti panangpanunoty no ania ti mabalinyo a pasayaaten, agkararagkayo iti Nailangitan nga Ama ket yebkasyo ti tarigagayyo nga agbalaliw. Laglagipen a babaen ti bileg ti Pannubbotna, matulongannakayo ni Jesucristo a mangpamek iti pagkapsutanyo. Kas iti insuro ni Presidente Monson, Ti sagut ti panagbabawi, nga impaay ti Mangisalakantayo ti mangpabael kadatayo a mangatur kadagiti turongentayo.”

Idinto a dagiti panggeptayo a tun-oyen para iti baro a tawen ket makatulong kadatayo a dumur-as, ti kasayaatan a wagas iti panagbalaliw ket babaen ti panagbabawi.

Kitaen met ti “Eight Myths about Repentance” iti lds.org/go/1186.

ANNAK

Ti Panagbabawi ket Maysa a Sagut

Ti sagut ti panagbabawi ket saan a sagut a makita wenna masagidy. Ketdi, daytoy ti sagut a mariknayo. Kayatna a sawen a no agaramiditayo iti biddut a pili, makapagbabawitayo ken mariknatayo manen ti kappia ken ragsak.

Kanayonto a tulongannatayo ti Nailangitan nga Ama ken Jesus nga agbabawi. Mangidrowing iti ladawan iti tunggal maiduma nga addang ti panagbabawi.

Mariknatayo ti ladingit.

Agkararagtayo iti Nailangitan nga Ama, ibaga Kenkuana no ania ti napasamak, ket agpatulong Kenkuana nga agaramid iti nasaysayaat a pili iti sumaruno a gundaway.

Agpakawantayo ket ikarigatan ti agaramid iti nasaysayaat.

Mariknatayo ti kappia ket ammotayo a napakawantayon.



Pammati, Pamilia, Tulong

Makikontak Kenkuana iti Ania man nga Oras, Sadino man a Lugar, ken Ania man a Dalan

Ti visiting teaching ket maipapan ti panagministro. Nagministro ni Jesus iti ania man nga oras ken iti sadino man a lugar. Maaramiddayo met ti kastoy.

Ti “agministro” ket mangted iti serbisio, panangaywan, wewenno tulong a mangipaay iti liwliwa wewenno ragsak iti sabali. Ti visiting teaching ket maipapan ti panangtakuat kadagiti wagas iti panagministro kadagiti sarungkarantayo. Nagministro ni Jesucristo iti amin—iti ania man nga oras ken iti sadino man a lugar. Pinakanna dagiti 5,000, liniwliwana da Maria ken Marta iti ipupusay ti kabsatda a lalaki, ken insurona ti ebangheliona iti babai iti abay ti bubon. Inaramidna daytoy gapu iti napudno nga ayatna.

Iti panangsuot iti pagwadanna, kas visiting teacher maam-ammotayo ken maipategtayo ti tunggal kabsat a babai a sarungkarantayo, a pampanutentayo dayta nga ayat ti pundasion ti amin nga ar-aramidentayo. No agkararagtayo para iti inspirasion a mangammo no kasano ti agserbi kenkuana ken tumulong kenkuana a mangpapiagsa iti pammatina, “saan a mapengdan dagiti anghel iti panagbalinda akadkaduatayo.”¹

Manipud pay idi nabuangay ti Relief Society idi 1842 agingga ita,

ti panagministro kadagiti babai ket nangparabur kadagiti biag. Kas pagarigan, ni Joan Johnson, balo nga agtawen iti 82, ken ti visiting teaching companiona ket simmarungkarda a nangisuro iti kaarrubada nga agtawen iti 89 ken adda pneumoniana. Nakitada a saan laeng a kasapulan ida ti kaarrubada iti maminsan ti makabulan, isu a rinugianda ti nangsarungkar kenkuana iti linawas iti personal wewenno babaen ti telepono.

Para iti dadduma pay a visiting teacher, ti panangipatulod iti teks wewenno email a mangted iti pam-maregta ket mabalina a kapintasan a banag nga aramiden para iti kabsat a babai dayta a bulan. Ti panangbukel kadagiti personal a pannakilangen ken idedengngeg nga addaan iti galad ti ayat ket ti pudno a kaipapanan ti visiting teaching. Ti moderno a teknolohia ken ti personal nga isasarungkar ket makatulong kadayo a mangaramid iti daytoy iti ania man nga oras, sadino man a lugar, ken iti adu a wagas.² Dayta ti panagministro kas iti inaramid ni Jesus.

DAGITI NAGADAWAN

1. *Teachings of Presidents of the Church: Joseph Smith* (2007), 454.
2. Kitaen iti *Handbook 2: Administering the Church* (2010), 9.5.1.

Ibilang Daytoy

Kasano nga isardengtayo ti panagdanag maipapan ti “no ania ti ibilang” para iti visiting teaching no di ketdi panangipokus iti no ania ti kasapulan ti tunggal kabsat a babai manipud kadagiti visiting teacher?

Panagministro

Imbes a naipangpangruna a mensahe, iti tunggal bulan daytoy a panid ket mangitampok iti sabali a prinsipio a makatulong kadayo nga agministro iti nasamsamay iti tunggal maysa. Bayat ti panangkararag ken panagkalikagum a manggun-od iti inspirasion, maammuanyonto ti naespirituan a mensahe ken serbisio a kasapulan ti tunggal kabsat a babai.